

Ақталған азаматтарға келген залалды өтеу туралы

Күшін жойған

Қазақстан Республикасы Министрлер Кабинетінің Қаулысы 1994 жылғы 30 желтоқсан N 1495. Күші жойылды - Қазақстан Республикасы Үкіметінің 2000.12.28. N 1914 қаулысымен. ~P001914

Жаппай қуғын-сүргін құрбандары шеккен материалдық залалдың өтемақысын қазір мүмкіндігінше барынша қамтамасыз ету мақсатында Қазақстан Республикасы Министрлер Кабинеті қаулы етеді:

1. Ақталған азаматтардың (немесе олардың мұрагерлерінің) олардың тұтқындау кезінде алынған мүліктері мен құндылықтарының құнын өтеу туралы арыздарын қарау үшін облыстардың, Алматы мен Ленинск қалаларының әкімдері облыстық қаржы басқармасы, Алматы қалалық қаржы басқармасы және Ленинск қалалық қаржы бөлімі бастықтарының төрағалығымен олардың құрамына облыстық (қалалық) Ұлттық қауіпсіздік басқармасы бастығының орынбасарын және сауданың жауапты қызметкерлерін, мүліктердің түрін бағалау үшін сарапшыларды қосып комиссиялар құратын болсын.

Комиссия Қазақстан аумағында қуғын-сүргін болған кезде мүліктің болған немесе сатылған жері бойынша арыздарды қарайды. Арыз қарау үшін ақтау туралы құжат алынған кезден үш жылдан кешіктірілмей беріледі.

2. Ақталған азаматтарға (немесе олардың мұрагерлеріне) келген залалдың сомасын айқындау кезінде тәркіленген ақша сомасы, сондай-ақ бағалы қағаздар (чектер) бөлігінде 1947 жылғы ақша реформасы, 1961 жылғы баға ауқымының өзгеруі және ұлттық валютаға ауысуы ескерілетін болып, сондай-ақ жыл сайын бюджетті жасау кезінде, бекітілген 60 сом (0,12 теңге) мөлшеріндегі 1961 жылғы ең төменгі жалақы деңгейіндегі айлық есепті көрсеткіш мөлшерінің айналымдағы күніне белгіленген арақатынасы ретінде айқындалған есептесу коэффициенті қолданылатын болып белгіленсін. <*>

Ескерту. 2-тармақ жаңа редакцияда - ҚРҰ-нің 1996.04.29. N 525 қаулысымен.

3. Оларға тиісті нарық бағаларын қолданып, осы қаулыдағы қосымшаға сәйкес тергеу материалдарында ерекшелік сипаттамалары болмаған құнды металдардан жасалған, тәркіленген (алынған) зергерлік және басқа да тұрмыстық бұйымдарды (сынамасын, салмағын) бағалау кезінде бұл бұйымдардың құнын сынамасына, салмағына қарап айқындау ұсынылады.

4. Тәркіленген (алынған) тұрғын үй құрылыстары мен баспаналарды бағалау

кезінде оларға тұтқындау кезінде азаматтың тұрған жерінде басым болған тұрғын үй алаңының ең төменгі мөлшері қолданылатын болып белгіленсін.

5. Қуғын-сүргінге ұшыраған азаматтардан тәркіленген былғары және мех шикізатын, кілем бұйымдарын, сойыс және жұмыс малын, құстарды және басқа мүлікті бағалау бөлігінде комиссия тиісті мүліктің ең төменгі стандарт мөлшерін (салмағын) алады.

6. Егер азаматты тұтқындауға байланысты оның салым ақшасы бюджетке есептеліп, жинақ кітапшасы алынып қойылған болса, қаржы органдары бюджет қаражатынан салым ақша мөлшерін өтеп береді. Салым ақша Қазақстан Республикасының Халық банкі бөлімшелерінде қозғалмайтын салымдар құрамында жатса, негізсіз жауапқа тартылған және кейіннен ақталған азаматтарға келген залал қаражатының мөлшерін Қазақстан Республикасының Халық банкі өтейді.

Залалдың мөлшері салым ақша бюджет кірісіне есептелген сәттен немесе Халық банкінің қозғалмайтын салымдарының құрамына есептелген сәттен қайтару күніне дейін, барлық өткен уақытқа осы сомаға тиісті проценттерді есептей отырып, салым мөлшерімен (осы қаулының 2-тармағымен айқындалған ақша реформасын, баға ауқымының және есеп коэффициентінің өзгеруін ескерумен) айқындалады.

7. Ақталған азаматтарды тұтқындау кезінде алынған мүліктің өтемақы мөлшерін мәселені қарау кезінде (мүліктің 25 процент мөлшерде тозуы ескеріліп) нарықтық (еркін) бағасының деңгейін алып айқындаған жөн.

Мүлік құны немесе өтемақы төлеу мөлшері (осы қаулының 2,3,4,5, 6-тармақтарында) аталған республикалық бюджет қаражаты есебінен өтеледі және оның жыл сайын бюджетті жасау кезінде бекітілген, айлық есепті көрсеткіш 100 еселенген мөлшерінен (тұрғын үйді қоспағанда, мүлік үшін) немесе тұрғын үйді қосқанда, барлық мүлік үшін оның 200 еселенген мөлшерінен аспауға тиіс. <*>

Ескерту. 7-тармаққа өзгерістер енгізілді - ҚРҰ-нің 1996.04.29.

N 525 қаулысымен. P960525_

8. Тікелей қуғын-сүргінге ұшырағандарға бірінші кезекте құны өтелуге немесе өтемақы төленуге тиіс. Олар өлген жағдайда марқұмның балалары, оның ішінде асырап алған балалары, әйелі (күйеуі) және ата-аналары (бала қылып алушылар), сондай-ақ ол қайтыс болғаннан кейін туған баласы шығынның орнын толтыру құқына ие болады. <*>

Ақталғандар немесе оның мұрагерлері залалдың құнын алған кезде оған қаржы органдары сомасын хабарлағаннан кейін, залалды өтеу мөлшері оны төлеу себептері мен уақытына қарамастан одан кейін қайта есептелмейді. <*>

Ескерту. 8-тармаққа өзгеріс пен толықтыру енгізілді - ҚРҰ-нің

1996.04.29. N 525 қаулысымен.

9. Залалды өтеудің белгіленген тәртібі азаматтардың мүлкі Қазақстан Республикасы аумағында 1917 жылғы 25 қазаннан (7 қарашадан) басталған кезеңнен тәркіленген жағдайда олардың өтініш берген уақытына және қазіргі тұрған жеріне қарамастан, тек төленбеген сомалары бойынша қолданылады.

Қазақстан Республикасынан тысқары жерлерде тұратын азаматтарға залалды өтеу тұратын жеріндегі мемлекеттің валютасымен төленеді.

Залалды өтеу сомасын белгілеу жөніндегі комиссияның шешімімен келіспеген жағдайда, ақталған адам (мұрагер) сот органдарына өтініш береді.

<*>

Ескерту. 9-тармаққа толықтырулар енгізілді - ҚРҰ-нің 1996.04.29.

№ 525 қаулысымен.

Қазақстан Республикасының

Премьер-министрі

Қазақстан Республикасы
Министрлер Кабинетінің
1994 жылғы 30 желтоқсандағы
№ 1495 қаулысымен
бекітілген
Қосымша

Ақталған азаматтарға (немесе олардың мұрагерлеріне)
залалды өтеу кезінде зергерлік және басқа да тұрмыстық
бұйымдарды бағалау үшін олардың салыстырмалы салмағын қолдану
НОРМАЛАРЫ

Бұйымның атауы	і Бұйым жасалған қымбат бағалы	
	і металдың қолданылған сынамасы	
	і және бұйымның грамдық ең	
	і төменгі салмағы	
	і _____	
	і алтын	і күміс
	і 584	і 875
	і	і

Сырға	1	1	
Көзі жоқ сақина (жүзік)		1,5	1,5

Көзі бар сақина (жүзік)	2	2
Білезік	3	3
Жеңтүйме	1,5	1,5
Түйреуіш	2	2
Асхана жабдығының заттары (қасық, пышақ және т.б. орташа салмағы)	4,5	4,5
Сағаттар	4	4
Басқа да заттар	2	2

Ескерту: платинадан жасалған бұйымдарға 950 сынамасы қолданылады, ал салмағы алтын мен күмістен жасалған бұйымдардың салмағына сәйкес болады.

Есептесу коэффициенті

<*>

Ескерту. Бұл қосымша күшін жойған - ҚРҰ-нің 1996.04.29.
N 525 қаулысымен.

P960525_